



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-463-7/23**
Datum: **20.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „DUZELIĆ“ d.o.o. Cazin, za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona sa pratećim sadržajima, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „DUZELIĆ“ d.o.o. Cazin, za ispuštanje tehnoloških otpadnih voda i i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona sa pratećim sadržajima, izgrađenog na zemljištu označenom kao k.č. broj 441 i 442 K.O. Ostrožac (novi katastarski operat), odnosno k.č. broj 810/1, 810/14 i 821/3 K.O. Ostrožac (stari katastraski operat), Grad Cazin.
2. Ova vodna dozvola se odnosi isključivo na ispuštanje tehnoloških otpadnih voda i i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona sa pratećim sadržajima na lokaciji predmetnog poslovnog objekta definisanog tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljenje dokumentacije i izvršenim uviđajem na objektu, pod slijedećim uslovima:
 - 3.1. Da korisnik, u toku važenja ovog Rješenja, realizira dostavljeni dinamički plan sa finansijskom procjenom ulaganja urađenim 31.01.2024. godine (Prilog A), odnosno da izvede radnje predviđene revidovanom investiciono-tehničkom dokumentacijom, „Korekcija dopune glavnog projekta sakupljanja, odvođenja i prečišćavanja otpadnih voda sa lokaliteta betonare „DUZELIĆ“ d.o.o. Cazin, urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-56/23 dana 20.03.2023. godine, u Lukavcu, revidiran od strane „Euroing“ d.o.o. Bihać pod brojem REV 05-03/23, marta 2023. godine, u Bihaću, odnosno, potrebno je:
 - Da se uradi sistem za prijem i transport oborinskih nezagađenih voda od vertikalnih oluka do recipijenta, odnosno da se izgradi sistem oborinske nezagađene kanalizacije na način kako je to predviđeno naprijed navedenom projektnom dokumentacijom,
 - Da se uradi sistem za prijem, transport, tretman i ispuštanje oborinskih onečišćenih (zauljenih) voda sa internih saobraćajnih površina te platoa za vanjsko pranje predviđenog separatora ulja i masti, odnosno da se izgradi sistem oborinske onečišćene kanalizacije na način kako je to predviđeno naprijed navedenom projektnom dokumentacijom,
 - Da se uradi sistem za prijem, transport, tretman i ispuštanje tehnoloških otpadnih voda sa radnih površina betonare te platoa za punjenje i pranje bubnja automješalica, uključujući i završetak finalne obrade i ovičenja samog platoa te izradu predviđenog taložnika sa klasirerom pijeska, odnosno da se izgradi sistem tehnološke kanalizacije na način kako je to predviđeno naprijed navedenom projektnom dokumentacijom,

- Da se uradi sistem za recirkulaciju prečišćene tehnološke otpadne vode iz taložnika u proizvodni proces uključujući i instalaciju predviđene potopne pumpe, odnosno da se izgradi sistem recirkulacije otpadne vode na način kako je to predviđeno naprijed navedenom projektnom dokumentacijom,
 - Da se izvrši nabavka metalnih ili plastičnih spremnika, u koje treba da se odlažu posude sa aditivima betonu, a sa namjenom da se spriječi eventualno ispuštanje aditiva u okolni prostor, odnosno površinske i/ili podzemne vode.
- 3.2. Da korisnik predmetnih objekata pogona za proizvodnju betona, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole, okolinskom dozvolom te saglasnostima i dozvolama dobivenim od strane drugih nadležnih organa.
 - 3.3. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.4. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja i radnih mašina redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da se sa opasnim i štetnim materijama (aditivi betonu, i sl.) postupa savjesno pri skladištenju, transportu i pretovaru kako ne bi došlo do štetnih posljedice uslijed prosipanja istih.
 - 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih površina i platoa za pranje automješalica te tehnološke otpadne vode sa radnog platoa nesmetano sakupljaju i odvede do objekta predviđenog za tretman onečišćenih oborinskih te tehnoloških otpadnih voda (separator ulja i masti i taložnik), a zatim tretirane vode ispuštaju u recipijent – prirodnu depresiju na parceli označenoj pod brojem 447/2 K.O. Ostrožac.
 - 3.7. Objekte za prikupljanje, tretman i ispuštanje onečišćenih oborinskih i tehnoloških otpadnih voda (slivnici, rešetke, kanalizaciona mreža, separator ulja i masti, taložnik, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službeni evidenciju i arhivu.
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
 - 3.9. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
 - 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.11. Da se opasni materijal i otpad, koji nastaje na predmetnom lokalitetu, ne smije ni privremeno odlagati na česticu «vodno dobro», prostoru zaštitnih zona izvorišta vode za piće, odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, Investitor „ĐUZELIĆ“ d.o.o. Cazin je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
 - Prvi put nakasnije do 31.12.2024. godine,
 - Drugi put nakasnije do 30.06.2025. godine.
 Na osnovu navedenih izvještaja, ova Agencija će, u skladu sa članom 26a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) se daje sa rokom važenja do 30.06.2026. godine.
10. Ovo rješenje o vodnoj dozvoli prestaje da važi ako korisnik predmetnog objekta ne ispuní uvjete iz tačke 3.1. ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i/ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
13. Uslov za izdavanje nove vodne dozvole je ispunjenje uslova iz dispozitiva ovog Rješenja i ako se ne izvrše radovi predviđeni ovim vodnim aktom, produženje vodnog akta istekom važnosti ovog rješenja neće biti moguće.

Obrazloženje

Pravno lice, „ĐUZELIĆ“ d.o.o. Cazin, obratilo se ovoj Agenciji dana 19.10.2023. godine (zaprimljen dana 26.10.2023. godine) zahtjevom za izdavanje vodne dozvole za ispuštanje tehnoloških otpadnih voda sa lokacije objekta postrojenja za proizvodnju betona sa pratećim sadržajima, izgrađenog u naselju Ostrožac, Grad Cazin. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka, broj: 017-0-Reg-22-000589, izdano dana 30.9.2022. godine, od strane Općinskog suda u Bihaću (ovjerena kopija),
- Uvjerenje o poreznoj registraciji, izdano dana 12.11.2002. godine, od strane Federalnog ministarstva finansija, Porezne uprave – Kantonalni ured BIHAĆ (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPJR/1-4364-2/07, dana 06.07.2007. godine, u Banjaluci (ovjerena kopija),
- Nalog za plaćanje upravne pristojbe (kopija),
- Rješenja, kojim se daje urbanistička saglasnost investitoru Đuzelić Atifu iz Ostrošca, općina Cazin, za izgradnju betonare na zemljištu označenom kao k.č. 441 i 442 (novi katastarski operat), što po starom katastarskom operatu predstavlja k.č. broj: 810/1, 810/14 i 821/3 K.O. Ostrožac, općina Cazin; izdano od strane Kantonalnog ministarstva za građenje, prostorno uređenje i zaštitu okoline Unsko-sanskog kantona pod brojem 11/2-23-385-UP-1/2008, dana 31.01.2008. godine (kopija),
- Rješenje, kojim se mijenja dio tačke 1. dispozitiva Rješenja Kantonalnog ministarstva za građenje, prostorno uređenje i zaštite okoline broj 11/2-23-385-UP-I/2008 od 31.01.2008. godine, tako da glasi: „Daje se URBANISTIČKA SAGLASNOST investitoru d.o.o. Đuzelić Cazin iz Cazina, za izgradnju betonare na zemljištu označenom kao k.č. broj 441 i 442 (novi katastarski operat) što po starom katastarskom operatu predstavlja k.č. broj 810/1, 810/14 i 821/3, k.o. Ostrožac, općina Cazin; izdano od strane Kantonalnog ministarstva za građenje, prostorno uređenje i zaštitu okoline Unsko-sanskog kantona pod brojem 11/2-23-8294-UP-1/08 dana 04.07.2008. godine (ovjerena kopija),
- Rješenje, kojim se daje investitoru d.o.o. „ĐUZELIĆ“ Cazin, općina Cazin, odobrenje za građenje za izgradnju objekta betonare na zemljištu označenom kao k.č. broj: 441 i 442 (novi kat. operat), što po

- starom katastarskom operatu predstavlja k.č. broj: 810/1, 810/14 i 821/3 K.O. Ostrožac, općina Cazin; izdano od strane Kantonalnog ministarstva za građenje, prostorno uređenje i zaštitu okoline Unsko-sanskog kantona pod brojem 11/2-23-8405-UP-1/08 dana 07.07.2008. godine (ovjerena kopija),
- Rješenje, kojim se odobrava investitoru „ĐUZELIĆ“ d.o.o. Cazin iz Cazina da može koristiti izgrađeni objekt betonare, izgrađen na zemljištu označenom kao k.č. br. 441 i 442 (novi katastarski operat), što po starom katastarskom operatu predstavlja k.č. br. 810/1, 810/4 i 821/3 k.o. Ostrožac, općina Cazin, za koje je rješenjem Kantonalnog ministarstva za građenje, prostorno uređenje i zaštitu okoline izdano odobrenje za građenje, broj: 11/2-23-8045-UP-1/08 od 07.07.2008. godine; izdano od strane Ministarstva za građenje, prostorno uređenje i zaštitu okoline Unsko-sanskog kantona pod brojem 11-23-18490-UP-1/11, dana 16.04.2013. godine, u Bihaću (ovjerena kopija),
 - Rješenje, kojim se daje vodoprivredna saglasnost investitoru Đuzelić (Redžo) Atifu, Ostrožac općina Cazin, za izgradnju objekta betonare na lokaciji Ostrožac brdo, općina Cazin, na zemljištu označenom kao k.č. broj: 441 i 442, po novom premjeru, k.o. Ostrožac, općina Cazin; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-25-5731-UP-1/08, dana 21.05.2008. godine, u Bihaću (ovjerena kopija),
 - Rješenje o vodnoj dozvoli; izdano od strane Agencije za vodno područje rijeke Save Sarajevo pod brojem UP-I/21-3-40-491-5/21, dana 25.01.2021. godine (kopija),
 - Rješenje o okolišnoj dozvoli, kojim se izdaje okolišna dozvola operatoru „Đuzelić“ d.o.o. Cazin za pogon za proizvodnju betona na lokalitetu Ostrožac, općina Cazin, na zemljištu označenom kao k.č. broj 442/1 i 441 k.o. Ostrožac, kapaciteta 40 m³/h vibriranog betona; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11/2-23-16205-UP-1/16, dana 07.02.2017. godine, u Bihaću (kopija),
 - Izvod iz plana Usvojenog nacrtu prostornog plana Općine Cazin ("Sl. novine Cazin", broj: 1/07); izdan od strane Službe za urbanizam i zaštitu okoliša Grada Cazina pod brojem: 04-19-8383/2021, dana 19.07.2021. godine (kopija),
 - Službena zabilješka, broj: UP-1/21-3-40-463-4/23 od 8.1.2023. godine,
 - Korekcija dopune glavnog projekta sakupljanja, odvođenja i prečišćavanja otpadnih voda sa lokaliteta betonare „ĐUZELIĆ“ d.o.o. Cazin broj: 1478/23, urađena od strane Instituta za kvalitet, standardizaciju i ekologiju TQM d.o.o. Lukavac pod brojem 10-56/23, dana 20.03.2023. godine, u Lukavcu (na uvid),
 - Revizija korekcije dopune Glavnog projekta sakupljanja, odvođenja i prečišćavanja otpadnih voda sa lokaliteta betonare „ĐUZELIĆ“ d.o.o. Cazin; urađena od strane Euroing d.o.o. Bihać pod brojem REV 05-03/23, marta 2023. godine u Bihaću (na uvid),
 - Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-463-2/23, dana 08.11.2023. godine, te kopija naloga za plaćanje istih,
 - Popratni akt o dopuni podneska zahtjeva, broj: 01/2-10 od 08.02.2024. godine,
 - Dinamički plan aktivnosti sa finansijskom procjenom ulaganja za sakupljanje, odvodnju i prečišćavanje otpadnih voda sa lokaliteta betonare „ĐUZELIĆ“ d.o.o. Cazin,
 - Detaljan dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine (Prilog A).

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima i načinu izdavanja i čuvanja vodnih akata („Sl. novine F BiH“ broj 31/15, 55/19, 41/20 i 63/22), izvršen je pregled izgrađenog objekta pogona za proizvodnju betona sa pratećim sadržajima „ĐUZELIĆ“ d.o.o. Cazin, i tom prilikom sačinjen zapisnik o uviđaju broj: UP-1/21-3-40-463-3/23 od 09.11.2023. godine.

Postrojenje za proizvodnju betona „ĐUZELIĆ“ d.o.o. Cazin je izgrađeno u naselju Ostrožac, Grad Cazin. Pogon se sastoji od: - postrojenja za proizvodnju betona kapaciteta 40 m³/h (sa mješalicom za beton, protuprašnim filterom za zrak, hidrauličnim agregatom mješalice, sistemom za podmazivanje prstenastih brtvi, trakastim transporterima, skipom, vagom za doziranje agregata, vibratorom za pijesak, pužnim transporterom, vagom za doziranje cementa, kompresorom, sistemom za dodavanje aditiva te upravljačkim sistemom betonare), dva vertikalna silosa za cement kapaciteta po 100 m³, deponije kamenog agregata raspoređenog u 5 odjeljaka po frakcijama, upravnog objekta sa garderobom i sanitarijama, internim manipulativnim i saobraćajnim površinama te zelenilom.

Objekt je priključen na javni gradski vodovodni sistem za potrebe sanitarne vode i vode u tehnološkom postupku proizvodnje betona. Ne vrši se povrat otpadne vode (nastala pranjem i održavanjem radnih površina betonare te pranjem automješalica za beton) u proizvodni proces, kako je to navedeno priloženim glavnim projektom. Isto važi i za talog cementnog mlijeka i čestica kamenog agregata koje se istalože u prostoru taložnika, jer taložnik sa sistemom za povrat prečišćene vode u proizvodni proces nije izveden.

Izvršena je Korekcija dopune glavnog projekta sakupljanja, odvođenja i prečišćavanja otpadnih voda sa lokaliteta betonare „ĐUZELIĆ“ d.o.o. Cazin, urađena od strane Instituta za kvalitet, standardizaciju i ekologiju

TQM d.o.o. Lukavac pod brojem protokola 10-56/23 od 20.03.2023. godine, revidiran od strane Euroing d.o.o. Bihać pod brojem REV 05-03/23, dana 30.03.2023. godine, u Bihaću. Istom je predviđeno zasebno zbrinjavanje sanitarnih, čistih oborinskih, zauljenih te tehnoloških otpadnih voda, sa prelivom u depresiju na parceli k.č. broj: 447/2 K.O. Ostrožac, u vlasništvu podnosioca zahtjeva te povrat prečišćene tehnološke otpadne vode u proizvodni proces proizvodnje svježe betonske smješe.

Podnosilac zahtjeva je uradio projektnu dokumentaciju zahtjevanu prethodno izdanim vodnim aktom, ali nije uradio dinamički plan realizacije (premalo vremena za realizaciju) što mu je uvjetovano ovim vodnim aktom.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „DUZELIĆ” d.o.o. Cazin, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „DUZELIĆ” d.o.o. Cazin, Ostrožac 185, 77 220 Cazin
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča-AVP Sava